

之道則神去其室生化微絕禍定害而何哉

故曰無形無患此之謂也

夫喜於達悅於色畏於難懼於禍外惡風寒暑濕內繁飢飽愛欲皆以形无所隱故

常嬰憂累於人間也若便想慕滋蔓嗜欲

無厭外附權門內營情偏則動以牢網坐

招燔燭欲思釋縛其可得乎是以身為患

階爾老子曰吾所以有大患者為吾有身

及吾无身吾有何患此之謂也夫身與形

與太虛釋然消散復未知生化之氣為有

而聚耶為無而滅乎

帝曰善有不生不化乎

言人有逃陰陽免生化而不生不化无始

无終同太虛自然者乎

岐伯曰悉乎哉問也與道合同惟真人也

真人之身隱見莫測出入天地内外順道

至真以生其為小也入於无間其為大也

過虛空界不與道如一其孰能爾乎

帝曰善

黃帝內經素問補註釋文卷之四十

正一天師清微弟子 洪百堅 製作  
道教學術資訊網站

黃帝內經素問補註釋文卷之四十一

唐太僕令唐玄子王米次註

宋光祿卿直秘閣林億等校正

宋守尚書屯田郎孫兆重改誤

氣交變大論篇新校正云詳此論專明氣交之變乃五運

太過不及德化政令災變勝復為病之事

黃帝問曰五運更治上應天春陰陽往復寒

暑迎隨真邪相薄内外分離六經波蕩五氣

傾移太過不及專勝兼并願言其始而有常

名可得聞乎

春三百六十五日四分日之一也專勝謂

五運主歲太過也兼并謂主歲之不及也

常名謂布化於太虛人身參應病之形診

也○新校正云按天元紀大論云五運相

襲而皆治之終春之日周而復始又云五

氣運行各終其日太始天元册文曰萬物

實始五運於天即五運更治上應天春之

義也

岐伯稽首再拜對曰昭乎哉問也是明道也

此上帝所貴先師傳之臣雖不敏往聞其旨

言非已心之生知備聞先人往古受傳之遺旨也

帝曰余聞得其人不教是謂失道傳非其人慢泄天寶余誠菲德未足以受至道然而眾子哀其不終願夫子保於無窮流於無極余司其事則而行之奈何

至道者非傳之難非知之艱行之艱聖人懇念蒼生同居永壽故屈身降志請受於天師太上貴德故後已先人苟非其人則道無虛授黃帝欲仁慈惠遠博愛流行事道下身拯乎黎庶乃曰余司其事則而行之也

岐伯曰請遂言之也上經曰夫道者上知天文下知地理中知人事可以長久此之謂也夫道者大无不包細无不入故天文地理人事咸通○新校正云詳夫道者一節與著至教論文重

帝曰何謂也岐伯曰本氣位也位天者天文也位地者地理也通於人氣之變化者人事也故大過者先天不及者後天所謂治化而

人應之也

三陰三陽司天司地以表定陰陽生化之紀是謂位天位地也五運居中司人氣之變化故曰通於人氣也先天後天謂生化氣之變化所主時也大過歲化先時至不及歲化後時至

帝曰五運之化大過何如

大過謂歲氣有餘也○新校正云詳大過五化具五常政大論中

岐伯曰歲木大過風氣流行脾土受邪

木餘故土氣卑屈

民病飧泄食減體重煩冤腸鳴腹支滿上應歲星

飧泄謂食不化而下出也脾虛故食減體重煩冤腸鳴腹支滿也歲木氣大盛歲星

光明守星屬分皆災也○新校正云按藏氣法時論云脾虛則腹滿腸鳴飧泄食

不化

甚則忽怒善怒眩冒顛疾

凌犯大甚則過於金故目病○新校正云

按王機真藏論云肝脉大過則令人善怒忽怒眩冒顛疾為肝實而然則此病不獨木大過過金自病肝實亦自病也

化氣不政生氣獨治雲物飛動草木不寧甚而搖落反脅痛而吐甚衝陽絕者死不治上應太白星

諸陽歲也木餘土抑故不能布政於萬物也生氣木氣也大過故獨治而生化也風不務德非分而動則太虛之中雲物飛動草才不寧動而不止金則勝之故甚則草

木搖落也脅及痛木乘土也衝陽胃脉也木氣勝而土氣乃絕故死也金復而太白

逆守屬星者危也其災之發害於東方人之內應則先害於脾後復肝也書曰滿招損此其類也○新校正云詳此大過三化

言星之例有三木與土運先言歲鎮後言勝已之星火與金運先言榮感太白次言

勝已之星後再言榮感太白水運先言辰星次言鎮星後再言辰星兼見已勝之星

也

歲火大過炎暑流行金肺受邪

火不以德則邪害於金若以德行則政和平也

民病瘧少氣欬喘血溢血泄注下嗑聾耳聾中熱肩背熱上應榮惑星

少氣謂氣少不足以息也血泄謂泄利使血也血溢謂血上出於七竅也注下謂水利也中熱謂胃心中也背者胃中之府肩

接近之故胃心中及肩背熱也火氣大盛則榮惑光芒逆臨宿屬分皆災也○新校

正云詳火盛而尅金寒熱交爭故為瘧按藏氣法時論云肺病者欬喘肺虛者少氣

不能報息耳聾嗑乾甚則胃中痛脅支滿脅痛膺背肩胛間痛兩臂內痛

新校正云按藏氣法時論云心病者胃中痛脅支滿脅下痛膺背肩胛間痛兩臂內痛

身熱骨痛而為浸淫火無德今縱熱害金水為復讎故火自病

○新校正云按玉機真藏論云心脉大過則令人身熱而膚痛為浸淫此云骨痛者誤也

收氣不行長氣獨明雨水霜寒今詳水字當作水

上應辰星

金氣退避火氣獨行水氣折之故雨寒水

電及偏降霜寒而殺物也水復於火天象應之辰星逆凌及寒災於物也上辰星者

常在日之前後三十度其災發之當至南方在人之應則內先傷肺後及傷心○新

校正云按五常政大論雨水霜寒作雨水霜電

上臨少陰少陽火燔燭水泉涸物焦槁新校正云按五常政大論云赫曦之紀上

微而收氣後又六元正紀大論云戊子戊午大徵上臨少陰戊寅戊申大徵上臨少陽臨者大過不及皆曰天符

病反譫妄狂越欬喘息鳴下甚血溢泄不已大淵絕者死不治上應榮惑星

諸戊歲也戊午戊子歲少陰上臨戊寅戊申歲少陽上臨是謂天符之歲也大淵肺脉也火勝而金絕故死火既大過又火熱

上臨兩火相合故形斯候榮惑逆犯宿屬皆危○新校正云詳戊辰戊戌歲上見太

陽是謂天刑運故當威而不得威則火化減半非大過又非不及也

歲土大過雨濕流行腎水受邪土無德乃爾

民病腹痛清厥意不樂體重煩寃上應鎮星腹痛謂大腹小腹痛也清厥謂足逆冷也

意不樂如有隱憂也土來刑水天象應之鎮星逆犯宿屬則災○新校正云按藏氣法時論云腎病者身重腎虛者大腹小腹痛清厥意不樂

甚則肌肉萎足萎不收行善癢脚下痛飲發中滿食減四支不舉

脾主肌肉外應曰支又其脉起於足中指之端循核骨內側斜出絡肘故病如是○

新校正云按藏氣法時論云脾病者身重

善肌肉萎足萎不收行善癭脚下痛又玉  
機真藏論云脾太過則令人四支不舉  
變生得位

新校正云詳太過五化獨此言變生得位  
者舉一而四氣可知也又以土王時月難  
知故此詳言之也

藏氣伏化氣獨治之泉涌河衍澗澤生魚風  
雨大至土崩潰鱗見于陸病腹滿澹泄腸鳴  
反下甚而大豁絕者死不治一應歲星

諸甲歲也得位謂季月也藏水氣也化土

氣也土化太過故水藏伏匿而化氣獨治  
土勝木復故風雨大至水泉涌河渠溢乾  
澤生漁瀛既甚矣風又鼓之故土崩潰土

崩潰謂垣頽岸仆山落地入也河溢泉涌  
枯澤水滋鱗物豐盛故見于陸也大豁腎

脉也土勝而水絕故死木來折土天象逆  
臨加其宿屬正可憂也○新校正云按藏  
氣法時論云脾虛則腹滿腸鳴發泄食不  
化

歲金太過燥氣流行肝木受邪

金暴虐乃爾

民病兩脅下少腹痛目赤痛皆傷耳無所聞  
兩脅謂兩乳下脅之下也少腹謂臍下兩  
傍膠骨內也目赤謂白睛色赤也痛謂膠  
骨也皆謂四際臉睫之本也

肅殺而甚則體重煩冤宵痛引背兩脅滿且  
痛引少腹上應太白星

金氣已過肅殺又甚木氣內畏感而病生  
金感應天太白明大加臨宿屬必受災害

○新校正云按藏氣法時論云肝病者兩

脅下痛引少腹肝虛則目眩無所見耳  
无所聞又玉機真藏論云肝脉不及則令  
人胃痛引背下則兩脅壯滿

甚則帶欬逆氣肩背痛尻陰股膝解膈胛足  
皆病上應參星

火氣復之自生病也天象示應在榮感逆  
加守宿屬則可憂也○新校正云按藏氣  
法時論云肺病者喘欬逆氣肩背痛汗出  
尻陰股膝解膈胛足皆痛

收峻生氣下草木斂蒼乾凋隕病反暴痛

肢骨不可反側

新校正云詳此云反暴痛不言何所痛者  
按至真要大論云心脅暴痛不可反側則  
此乃心脅暴痛也

欬逆甚而血溢大衝絕者死不治上應太白  
星

諸庚歲也金氣峻虐木氣後刑火未來復  
則如是也欬謂已生枝葉欬附其身也大  
衝肝脉也金勝而木絕故死當是之候太  
白應之逆守星屬病皆危也○新校正云

按庚子庚午庚寅庚申歲上見少陰少陽

司天是謂天刑運金化減半故當感而不  
得感非太過又非不及也

歲水太過寒氣流行邪害心火  
水不務德暴虐乃然

民病身熱煩心躁悸陰厥上下中寒善妄心  
痛寒氣早至上應辰星

悸心跳動也譫亂語也妄妄見聞也天氣  
水感辰星瑩明加其宿屬災乃至○新校  
正云按陰厥在後金不及復則陰厥有治

正云按陰厥在後金不及復則陰厥有治

甚則腹大脛腫喘欬寢汗出憎風

新校正云按藏氣法時論云腎病者腹大脛腫喘欬身重寢汗出憎風毋詳太過五化不言化氣不政生氣獨治火言收氣不行長氣獨明土言藏氣伏長氣獨治金言收氣峻生氣下水當言藏氣乃成長氣失政今獨三者闕文也

大雨至埃霧騰鬱上應鎮星

水盛不已為土所乘故彰斯候埃霧騰鬱土之氣腎之脉從足下上行入腹從腎上貫肝而入肺中循喉嚨故生是病腎為陰故寢則汗出而憎風也卧寢汗出即其病也夫土氣勝折水之強故鎮星明感昭其應也

上臨大陽雨水雪霜不時降濕氣變物

新校正云按五常政大論云流衍之紀上羽而長氣不化又六元正紀大論云丙辰丙戌大羽上臨大陽臨者大過不及皆曰天符

病反腹滿腸鳴澹泄食不化

新校正云按藏氣法時論云肝虛則腹滿腸鳴澹泄食不化

瀉而妄冒神門絕者死不治上應參辰星諸丙歲也丙辰丙戌歲太陽上臨是謂天符之歲也寒氣大甚故雨化為水雪雨水

則電也霜不時降彰其寒也土復其水則大雨霖霖濕氣內深故物皆濕變神門心脉也水盛而火絕故死水盛火甚則焚惑滅曜辰星明益加以逆守宿屬則危亡也

○新校正云詳大過五化獨記火水之上臨者火臨火水臨水為天符故也火臨水為逆水臨木為順火臨土為順水臨土為運勝天火臨金為天刑運水臨金為逆更不詳出也又此獨言上應參辰星舉此一例餘從而可知也

帝曰善其不及何如  
謂政化少也○新校正云詳不及五化具五常政大論中  
岐伯曰悉乎哉問也歲木不及燥炁大行清冷時至加之薄寒是謂燥氣深金氣也

生氣失應草木晚榮  
後時之謂失應也

肅殺而甚則剛木辟著柔葉蒼乾上應太白星

天氣變愴日見朦昧謂雨非雨謂晴非晴人意慘然氣象凝欽是為肅殺甚也剛勁硬也辟著謂辟著枝莖乾而不落也柔爽也蒼青也柔木之葉青色下變而乾卷也木氣不及金氣乘之太白之明尤芒而照其空也

○民病中清脘脅痛少腹痛腸鳴澹泄涼雨時至上應太白星

新校正云按不及五化民病證中上應之星皆言運星失色畏星加臨宿屬為災此獨言畏星不言運星者經文闕也當云上應太白星歲星

其穀蒼  
金氣乘木肝之病也乘此氣者腸中自鳴而澹泄也即無脘脅少腹之痛疾也微者善之甚者止之遇夏之氣亦自止也遇秋

之氣而復有之涼雨時至謂應時而至也  
金土齊化故涼雨俱行火氣來復則夏雨  
少金氣勝木太白臨之加其宿屬分皆灾  
也金勝畢歲火氣不復則蒼色之穀不成  
實也○新校正云詳中清眩脅痛少腹痛

為金乘木肝病之狀腸鳴瀉泄乃脾病之  
證蓋以木少脾土無畏侮反受邪之故也  
上臨陽明生氣失政草木再榮化氣迺急上  
應太白鎮星其主蒼早

諸丁歲也丁卯丁酉歲陽明上臨是謂大  
刑之歲也金歲承天下勝於木故生氣失  
政草木再榮生氣失政故木華晚啓金氣  
抑木故秋夏始榮結實成熟以化氣急速  
故晚結成就也金氣勝木天應同之故大  
白之見光芒明盛木氣既少土氣無制故  
化氣生長急速木少金勝天氣應之故鎮  
星太白閏而明也蒼色之物又早凋落木  
少金乘故也○新校正云按不及五化獨  
紀木上臨陽明土上臨厥陰水上臨太陰  
不紀木上臨厥陰土上臨太陰金上臨陽

明者經之旨各紀其甚者也故於大過運  
中只言火臨火水臨水此不及運中只言  
木臨金土臨水水臨土故不言厥陰臨木  
太陰臨土陽明臨金也

復則炎暑流火濕性燥柔脆草木焦槁下體  
再生華實齊化病寒熱瘡瘍癰腫瘰癧上應  
榮惑太白其穀白堅

火氣復金夏生大熱故萬物濕性時變為  
燥流火爍物故柔脆草木及蔓延之類皆  
上乾死而下體再生若辛熱之草死不再  
生也小熱者死少大熱者死多火大復已

土氣間至則涼雨降其酸苦甘鹹性寒之  
物乃再發生新開之與先結者齊承化而  
成熟火復其金太白滅曜榮惑上應則溢  
光芒加其宿屬則皆灾也以火反復故白  
堅之穀秀而不實

白露早降收殺氣行寒雨害物蟲食甘黃脾  
土受邪赤氣後化心氣晚治上勝肺金白氣  
迺屈其穀不成效而孰上應榮惑太白星  
陽明上臨金自用事故白露早降寒涼大

至則收殺氣行以大陽居上濕之位寒濕  
相合故寒雨害物少於成實金行伐木假  
途於土子居母內蟲之象也故甘物黃物  
蟲蠹食之清氣先勝熱氣後復已乃勝  
故火赤之氣後生化也亦後化謂草木赤

華及赤實者皆後時而再榮秀也其五臟  
則心氣晚王勝於肺心勝於肺則金之白  
氣乃屈退也金穀稻也孰鼻中水出也金  
為火勝天象應同故太白芒滅曜榮惑益明  
歲火不及寒迺大行長政不用物榮而下疑

慘而其則陽氣不化迺折榮美上應辰星  
火少水勝故寒乃大行長政不用則物容  
早下火氣既少水氣供盛天象出見辰星  
益明

民病胃中痛脅支滿兩脅痛膺背肩脚間及  
兩臂內痛  
新校正云詳此證與火大過甚則反病之  
狀同傍見藏氣法時論  
鬱冒眩暈心痛暴瘡脅腹大脅下與腰背相  
引而痛

新校正云按藏氣法時論云心虛則胃腹大脅下與腰背相引而痛

甚則屈不能伸腕解如列上應榮熾辰星其穀丹

諸於歲也應以其脉行於是也火氣不行

寒氣禁固腕解如列屈不得伸水行乘大故榮熾芒滅丹穀不成辰星臨其宿屬之分則皆災也

復則埃鬱大雨且至黑氣迴辱病驚瀆腹滿食飲不下寒中腸鳴泄注腹痛暴變瘰癧足不任身上應鎮星辰星玄穀不成

埃鬱雲雨土之用也復寒之氣必以濕濕氣內淫則生腹疾身重故如是也黑氣水氣也辱屈辱也驚鳴也上復於水故鎮星

明潤臨犯宿屬則民受病災木驚音歲土不及風迺大行化氣不令草木茂榮飄揚而甚秀而不實上應歲星

木無德也木氣專行故化氣不令生氣獨擅故草木茂榮飄揚而甚是不以德土氣薄少故物實不成不實謂耗也土不

及木乘之故歲星之見潤而明也

民病癘泄霍亂體重腹痛筋骨繇復肌肉咽酸善怒藏氣舉事蟄蟲早附成病寒中上應歲星鎮星其穀斃

諸已歲也風客於胃故病如是土氣不及

水與齊化故藏氣舉事蟄蟲早附於陽氣之所人皆病中寒之疾也繇搖也筋骨搖動已復常則已繇復也土抑不伸若歲星

臨宿屬則皆災○新校正云詳此文云筋骨繇復王氏雖注義不可解按至真要大論云筋骨繇併疑此復字併字之誤

復則收政嚴峻名木蒼凋骨身暴痛下引少腹善太息蟲食甘黃氣客於脾斃穀迺滅民食少失味蒼穀迺損

金氣復木故名木蒼凋金入於土母懷子也故甘物黃物蟲食其中金入土中故氣客於脾金氣大來與土仇復故斃成實穀不成也

上應太白歲星  
太白芒歲歲滅明也 經少此六字缺文

上臨厥陰涑水不氷蟄蟲來見藏氣不用白迺不復上應歲星民迺康

己巳己亥歲厥陰上臨其歲少陽在泉火司于地故蟄蟲來見涑水不氷也金不得復故歲星之象如常民康不病○新校正

云詳木不及上臨陽明水不及上臨太陰俱後言復此先言復而後舉上臨之候者蓋白乃不復燥於此年有復也

歲金不及炎火迺行生氣迺用長氣專勝煎物以茂燥燥以行上應榮熾星

火不務德而襲金危炎火既涑則復生大熱生氣舉用故庶物蕃茂燥燥氣至物不勝之燥勝之燥石流金涸泉焦草山澤燔燎雨乃不降炎火大盛天象應之榮熾之見而大明也

民病肩背皆重熱噎血便注下收氣迺後上應太白星其穀堅芒

諸乙歲也皆謂悶也受熱邪故生是病收金氣也火先勝故收氣後火氣勝金金不能盛若榮感逆守宿屬之分皆受病○新

校正云詳其穀堅芒白色可見故不云其穀白也經云上應太白以前後例相照經脫發惑二字及詳王注言發惑逆守之事益知經中之闕也

復則寒雨暴至迺寒水雹霜雪殺物陰厥且格陽反上行頭腦戶痛延及腦頂發熱上應辰星

新校正云詳不及之運剋我者行勝我者之子來復當來復之後勝星減唯復星明大此只言上應辰星而不言發惑者闕文也當云上應辰星發惑

丹穀不成民病口瘡甚則心痛

寒氣折火則見水雹霜雪水雹先傷而霜雪後損皆寒氣之常也其災害乃傷於赤化也諸不及而為勝所犯子氣復之者皆歸其方也陰厥謂寒逆也格至也亦拒也

水行折火以救困金天象應之辰星明瑩赤色之穀為霜雹損之

歲水不及濕乃大行長氣反用其化迺速暑雨數至上應鎮星

濕大行謂數雨也化速謂物早成也火濕齊化故暑雨數至乘水不及而土勝之鎮星之象增益光明逆凌留犯其又甚矣

民病腹滿身重濡泄寒癆流水腰股痛癆腫膈股膝不便煩寃足痿清厥脚下痛甚則附腫藏氣不政腎氣不衡上應辰星其穀拒

藏氣不能申其政令故腎氣不能內致和平衡平也辰星之應當減其明或過鎮星臨宿屬者乃災○新校正云詳經云上應辰星注言鎮星以前後例相校此經闕鎮星二字

上臨大陰則大寒數舉執蟲早藏地積堅水陽光不治民病寒疾於下甚則腹滿浮腫上應鎮星

新校正云詳木不及上臨陽明上應太白鎮星此獨言鎮星而不言發惑者文闕也

蓋水不及而又上臨大陰則鎮星明盛以應土氣專盛水既益弱則發惑無畏而明大

其主辭較

諸辛歲也辛丑辛未歲上臨太陰太陽在泉故大寒數舉也土氣專盛故鎮星益明

復則大風暴發草偃木零生長不鮮面色時變筋骨併辟肉瞶恣目視眩物踈豐肌肉

木復其土故黃氣反損而斡穀不登也謂實不成無以登祭器也木氣暴復歲星下臨宿屬分者災○新校正云詳此當云上應歲星鎮星

帝曰善願聞其時也岐伯曰悉乎哉問也木不及春有鳴條律暢之化則秋有霧露清涼之政春有慘悽殘賊之勝則夏有炎暑燔爍之復其青東

化和氣也勝金氣也復火氣也火復於金悉因其木故災皆之作皆在東方餘皆同

○新校正云按木火不及先言春夏之化秋冬之政者先言木火之政化次言勝復之變也



其藏肝其病內含胠脅外在關節

東方肝之主也

火不及夏有炳明光顯之化則冬有嚴肅霜寒之政夏有慘悽凝冽之勝則不時有埃昏大雨之復其音南

化火德也勝水虛也復土變也南方火也

其藏心其病內含膺脅外在經絡

南方心之主也

土不及四維有埃雲潤澤之化則春有鳴條鼓拆之政四維發振拉飄騰之變則秋有肅殺霧淫之復其音四維

殺霧淫之復其音四維

東南東北西南西北方也維隅也謂日在四隅月也○新校正云詳土不及亦先言

政化次言勝復也

其藏脾其病內含心腹外在肌肉四支

四維中央脾之主也

金不及夏有光顯鬱蒸之令則冬有嚴凝整肅之應夏有炎爍燔燎之變則秋有水電霜雪之復其音西其藏肺其病內含膺脅胠脅外在皮毛

肅之應夏有炎爍燔燎之變則秋有水電霜雪之復其音西其藏肺其病內含膺脅胠脅外在皮毛

西方肺之主也

水不及四維有湍濶埃雲之化則不時有和風生發之應四維發埃昏驟注之變則不時有飄蕩振拉之復其音北

飄蕩振拉大風所作○新校正云詳金水

不及先言火土之化今與應故不當秋冬而言也次言者火土勝復之變也與木火

土之例不同者互文也

其藏腎其病內含腰脊骨髓外在谿谷端腠

肉之大會為谷肉之小會為谿肉分之間

谿谷之會以行榮衛以會大氣

夫五運之政猶權衡也高者抑之下者舉之

化者應之變者復之此生長化成收藏之理

氣之常也失常則天地四塞矣

失常之理則天地四時之氣間塞而無所

運行故動必有靜勝必有復乃天地陰陽

之道

故曰天地之動靜神明為之紀陰陽之往復

寒暑彰其兆此之謂也

新校正云按故曰已下與五運行大論同

新校正云按故曰已下與五運行大論同

上兩句又與陰陽應象大論文重彼云陰陽之升降寒暑彰其兆也

帝曰夫子之言五氣之變四時之應可謂悉矣夫氣之動亂觸遇而作發無常會卒然災

合何以期之岐伯曰夫氣之動變固不常在

而德化政令災變不同其候也帝曰何謂也

岐伯曰東方生風風生木其德敷和其化生

榮其政舒啓其令風其變振發其災散落

敷布也和和氣也榮滋榮也舒展也啓開

也振怒也發出也散謂物飄零而散落也

○新校正云按五運行大論云其德為和

其化為榮其政為散其令宣發其變摧拉

其音為隕義與此通

南方生熱熱生火其德彰顯其化蕃茂其政

明曜其令熱其變銷燄其災燔燭

新校正云詳五運行大論云其德為顯其

化為茂其政為明其令鬱蒸其變炎爍其

音燔燭

中央生濕濕生土其德溽蒸其化豐備其政

安靜其令濕其變驟注其災霖潰

安靜其令濕其變驟注其災霖潰

溽濕也蒸熱也驟注急雨也霖久雨也潰門泥也○新校正云按五運行大論云其德為濡其化為盈其政為謚其令雲雨其變動注其音淫漬音音

西方生燥燥生金其德清潔其化緊斂其政勁切其令燥其變肅殺其災蒼隕

緊縮也斂收也勁銳也切急也燥乾也肅殺謂風動草樹聲若乾也殺氣大甚則木青乾而落也○新校正云按五運行大論云其德為清其化為斂其政為勁其令露

露其變肅殺其音蒼落

北方生寒寒生水其德淒淒其化清謚其政凝肅其令寒變凜冽其災水雪霜雹

淒淒淒淒也謚靜也肅中外嚴整也凜冽甚寒也水雪霜雹寒氣凝結所成水復火

則非時而有也○新校正云按五運行大論云其德為寒其化為肅其政為靜其變凝冽其音水雹

是以察其動也有德有化有政有令有變有災而物由之而人應之也

夫德化政令和氣也其動靜勝復施於萬物皆悉生成變與災殺氣也其用暴速其動驟急其行損傷雖皆天地自為動靜之用然物有不勝其動者且損且病且死焉帝曰夫子之言歲候不及其大過而上應五星

星今夫德化政令災音變易非常而有也卒然而動其亦為之變乎岐伯曰承天而行之故無妄動無不應也卒然而動者氣之交變也其不應焉故曰應常不應卒此之謂也

德化政令氣之常也災音變易氣卒交會而有勝負者也嘗謂歲四時之氣不差畧刻者不常不久也

帝曰其應奈何岐伯曰各從其氣化也歲星之化以風應之榮惑之化以熱應之鎮星之化以濕應之太白之化以燥應之辰星之化以寒應之氣變則應故各從其

氣化也上文言復勝皆上應之今經言應常不應卒所謂無大變易而不應然其勝復當色有枯燥潤澤之異無見小大以應之

帝曰其行之徐疾逆順何如岐伯曰以道留久逆守而小是謂省下以道謂順行留久謂過應留之日數也省下謂察天下人君之有德有過者也

以道而去去而速來曲而過之是謂省遺過也順行已去已去輒逆行而速委曲而經過是謂遺其過而轉省察之也行急行緩往多往少蓋謂罪之有大有小按其道而斷之

久留而環或離或附是謂議災與其德也環謂如環而遶盤迴而不去也火議罪金議殺土木水議德

應近則小應遠則大近謂犯星常在遠謂犯星去久大小謂喜慶及罰罪事

芒而大倍常之一其化甚太常之二其音即也甚謂政令大行也發謂起也即至也金大有之

有之

小常之一其化減小常之二是謂臨視省下之過與其德也

省謂省察萬國人士侯王有德有過者也故侯王人士安可不深思誠慎耶

德者福之過者伐之

有德者則天降福以應之有過者天降禍以淫之則知禍福無門惟人所召耳

是以象之見也高而遠則小下而近則大見物之理也

故大則善怒過小則禍福遠

象見高而小既未即禍亦未即福象見下而大福既不遠禍亦未遠但當修德省過以候厥終苟未能慎禍而務求福祐豈有是者哉

歲運太過則運星北越

火運火星木運木星之類也北越謂北而行也

運氣相得則各行以道無剋伐之嫌故守常而各行於中道故歲運太過畏星失色而兼其母

木失色而兼玄火失色而兼蒼土失色而兼赤金失色而兼黃水失色而兼白是謂兼其母也

不及則色兼其所不勝

木兼白色火兼玄色土兼蒼色金兼赤色

水兼黃色是謂兼不勝也

肖者覆覆莫知其妙閔閔之當孰者為良

新校正云詳肖者至為良與漢書論

重彼有注

妄行無徵示畏侯王

不識天意私度之妄言災咎卒無徵驗

適足以示畏之兆於侯王榮感於庶民矣

帝曰其災應何如岐伯曰亦各從其化也故

時至有威衰凌犯有逆順留守有多少形見

有善惡宿屬有勝負徵應有吉凶矣

五星之至相王為時感囚死為哀東行凌

犯為順突輕西行凌犯為逆突重留守日

多則突深留守日少則突淺星喜潤則為

見善星怒燥憂殺則為見惡宿屬謂所生

月之屬二十八宿及十二辰相分所屬之

位也命勝星不害不勝星為害小重

命與星相得雖災無害灾者獄訟疾病之

謂也雖五星凌犯之事日過星之囚死時

月雖災不成然火犯留守逆臨則有誣譖

獄訟之憂金犯則有刑殺氣鬱之憂木犯

則有震驚風鼓之憂土犯則有中滿下利

附腫之憂水犯則有寒氣衝撞之憂故曰

徵應有吉凶也

帝曰其善惡何謂也岐伯曰有喜有怒有憂

有喪有澤有燥此象之常也必謹察之

夫五星之見也從夜深見之人見之喜星

之喜也見之畏星之怒也光色微暉乍明

乍暗星之憂也光色迫然不彰不瑩不與

眾同星之喪也光色圓明不盈不縮怡然

瑩然星之喜也光色勃然臨人芒彩滿溢

其象燥然星之怒也澤洪潤也燥乾枯也

帝曰六者高下異乎岐伯曰象見高下其應

一也故人亦應之

觀象觀色則中外之應人天咸一矣

帝曰善其德化政令之動靜損益皆何如也

伯曰夫德化政令災變不能相加也

天地動靜陰陽往復以德報德以化報化

政令災膏及動復亦然故曰不能相加也

勝復感衰不能相多也

勝感復感勝微復微不應以感報微以化

報變故曰不能相多也

往來小大不能相過也

勝復日數多少皆同故曰不能相過

用之升降不能相無也

木之勝金必報火土金水皆然未有勝而

無報者故氣不能相使無也

各從其動而復之耳

動必有復察動以言復也易曰吉凶悔吝

生乎動此之謂歟天雖高不可度地雖廣

不可量以氣動復言之其猶視掌矣

帝曰其病生何如岐伯曰德化者氣之祥政

令者氣之章變易者復之紀災膏者傷之始

氣相勝者和不相勝者病重感於邪則至也

祥善應也章程也式也復紀謂報復之綱

紀也重感謂年氣已不及天氣又見尅殺

之氣是為重感重謂重累也

帝曰善所謂精光之論大聖之業宣明大道

通於無窮究於無極也余聞之善言天者必

應於人善言古者必驗於今善言氣者必彰

於物善言應者同天地之化善言化言變者

通神明之理非夫子孰能言至道歟

大過不及歲化無窮氣交運變流於無極

然天垂象聖人則之以知吉凶何者歲大

過而星大或明瑩歲不及而星小或失色

故吉凶可指而見也吉凶者何謂物稟五

常之氣以生成莫不上參應之有否有宜

故曰吉凶斯至矣故曰善言天者必應於

人也言古之道而今必應之故曰善言古

者必驗於今也化氣生成萬物皆稟故言

氣應者以物明之故曰善言應者必彰於

物也彰明也氣化之應如四時行萬物備

故善言應者必同天地之造化也物生謂

之化物極謂之變言萬物化變終始必契

於神明運為故言化變者通於神明之理

聖人智周萬物無所不通故言必有發動

無不應之也

迺擇良光而藏之靈室每旦讀之命曰氣交

變非齋戒不敢發慎傳也

靈室謂靈蘭室黃帝之書府也○新校正

云詳此文與六元正紀大論未同

黃帝內經素問補註釋文卷之四十一